

摘藻堂四庫全書薈要

經部

欽定四庫全書薈要

經部

欽定詩經傳說彙纂卷十五

十六

詳校官原任侍講<sub>臣</sub>王燕緒

欽定四庫全書薈要卷一千六十五

經部

欽定詩經傳說彙纂卷十五

桑扈之什二之七

交交桑扈

侯古反

有鶯其羽君子樂胥

音洛胥叶思呂反

受天之祜

集傳興也交交飛往來之貌桑扈竊脂也

許氏謙曰竊脂見小

宛鶯然有文章也君子指諸侯胥語詞祜福也○此

亦天子燕諸侯之詩言交交桑扈則有鶯其羽矣君

子樂胥則受天之祜矣頌禱之詞也

集說

鄭氏康成曰竊脂飛而往來有文章人觀視而愛之喻君臣以禮法威儀升降於朝廷則人亦

觀視而仰樂之○蘇氏轍曰君子樂循禮義以受天福夫苟樂之則其為之也安安則如固有之譬如桑扈之羽鶯然有文而不自知亦非其強之也○朱氏公遷曰桑扈交飛則彼此相輝而有文人臣受燕則上下相與而獲福此以相交之益為興也○朱氏謀埠曰桑扈應候而至喻諸侯時見不違禮也○張氏彩曰觀卒章兕觥其觥旨酒思柔則樂胥亦當指燕飲之時為言樂胥云者足以洽情而不逾禮也

○交交桑扈有鶯其領君子樂胥萬邦之屏

反卑郢

集傳興也領頸屏蔽也

王氏安石曰屏之為物禦外以蔽內也

言其能

為小國之藩衛蓋任方伯連帥之職者也

禮記王制  
千里之外

設方伯十國以為連連有帥  
二百一十國以為州州有伯

集說

輔氏廣曰為諸侯者外有文章內復和樂固天子之所喜也則願其承上天之祐福為萬邦之

屏翰宜矣

○呂氏柝曰領者上輔元首下統四體猶

屏之蔽內而捍外也○朱氏道行曰懷萬邦者天子也屏萬邦而捍其外患者

君子之撫柔以安天子也

○之屏之翰

見叶胡反

百辟

璧音

為憲不戢

莊立反

不難

叶乃反

受

福不那

集傳賦也翰幹也所以當牆兩邊障土者也辟君憲

法也言其所統之諸侯皆以之為法也戢斂難慎那  
多也不戢戢也不難難也不那那也蓋曰豈不斂乎  
豈不慎乎其受福豈不多乎古語聲急而然也後放  
此劉氏瑾曰菟柳云不尚文王云不顯不時大明韓  
奕皆云不顯其光生民云不寧不康清廟云不顯  
不承以至崧高維天之命烈  
文執競皆言不顯竝倣此義

集說

王氏安石曰戢則不肆難則不易肆則放逸易  
則傲慢動不以禮非所以受福故戢而難然後

受福多也○輔氏廣曰此章又言不獨為萬邦之屏  
翰其所統之諸侯又皆以其所為為法則其德亦盛  
矣方且戢且斂而不敢自恃其難其慎而不敢少忽  
則其受福又豈不多乎哉百辟為憲有期之之意不

戒不難有  
戒之之意

○

兕

徐履反

觥

古橫反

其觥

音求

旨

酒

思

柔

彼

交

匪

敖

五報反萬

福來求

集傳賦也兕觥爵也觥角上曲貌

朱子曰觥頌作掄春秋穀梁傳作斛

與此字同

旨美也思語詞也敖傲通交際之間無所傲慢

則我無事於求福而福反來求我也

集說

輔氏廣曰此章又言其飲燕之時交際之間略不敢少有傲慢之意則其福祿之來又有不待

於求而得之者矣彼交匪敖亦有戒意○何氏楷曰君子謹守侯度位雖高而不驕情雖通而不肆雖非

有意於斂福萬福皆來就而聚之易曰德言盛  
禮言恭謙也者致恭以存其位者也正謂此也  
總論鄒氏泉曰首章願其德足以得天二章言其德  
福也四章言其在燕情  
通而能敬足以獲福也

桑扈四章章四句

集說

陳氏櫟曰即維周之翰四國于蕃文武吉甫萬邦為憲等語叅之則此為天子燕諸

侯而頌禱之  
詩無疑也

鴛鴦于飛畢之羅之君子萬年福祿宜

何叶牛之反

集傳興也鴛鴦匹鳥也

鄭氏康成曰匹鳥言其止則相偶飛則為雙性馴耦也○



崔氏豹曰鴛鴦鳬類雄雌未嘗相離故謂之匹鳥

畢小罔長柄者也羅罔也

孔氏穎達曰羅則張以待鳥畢則執以掩物

君子指天子也○此諸侯所

以荅桑扈也鴛鴦于飛則畢之羅之矣君子萬年則福祿宜之矣亦頌禱之詞也

集說

朱氏公遷曰鴛鴦于飛既畢之又羅之君子萬年既宜福又宜祿二者皆有一而足之意故

以為興○唐氏汝諤曰君子萬年福祿若與君子而相宜者然故曰宜之

○鴛鴦在梁戢其左翼君子萬年宜其遐福

叶筆力反

集傳興也石絕水為梁戢斂也張子曰禽鳥竝棲一

正一倒戢其左翼以相依於內舒其右翼以防患於

外蓋左不用而右便故也

陸氏佃曰凡鳥左顧則怒作右盼則喜生飛而起則

仰左翼飛而下則仰右翼故今鷺鳥下擊皆先側左翅也

遐遠也久也

集說

朱氏道行曰鴛鴦在梁則宿而不飛矣以宿之戢左翼而舒其右以捍外興君子斂小心而久

於位以無危此宜福祿根源○胡氏紹曾曰鴛鴦之靜也靜亦何患君子之安安而止也與時俱息凝然

以受遐福而又何不宜哉

○乘

繩證反

馬在廐

音救反

摧

采臥反

之秣

音末反

之君子萬年

福祿父

魚蓋反

之

集傳興也摧莖秣粟

許氏謙曰莖與摧同說文莖斬芻也秣食馬穀也

艾養

也蘇氏曰艾老也言以福祿終其身也亦通○乘馬

在廐則摧之抹之矣君子萬年則福祿艾之矣

集說

黃氏佐曰艾訓養如受四方之貢獻以天下奉一人是也

○乘馬在廐秣之摧

叶徂為采臥二反

之君子萬年福祿綏

宣叶

佳土果  
二反之

集傳興也綏安也

集說

顧氏起元曰綏者無為而治恭己南面也○朱氏道行曰綏訓安不專是安身舉世泰寧方是

君子遐福

總論輔氏廣曰鴛鴦之詩乃下禱上之辭上之禱下猶且述其德桑扈是也下之禱上則但極其頌禱之情而已鴛鴦是也若不敢有擬議其德者敬之至也

# 鴛鴦四章章四句

集說

黃氏佐曰上下交而德業成觀有周盛時君以桑扈燕其臣臣以鴛鴦荅其君殆與

唐虞廢歌之意同也

有類

缺婢反

者弁實維伊何爾酒既旨爾殽既嘉

叶居何反

豈

伊異人兄弟匪他

湯何反

蔦

音鳥與女蘿

力多反

施

以鼓反

于松

柏

叶通莫反

未見君子憂心奕奕

叶戈灼反

既見君子庶幾說

音悅

懌

叶戈灼反

集傳賦而興又比也頍弁貌或曰舉首貌

張氏彩曰許氏曰頍

即古規字規為弁皮弁

孔氏頍達曰弁者冠之大名稱弁者多矣但爵弁則士之

祭服韋弁則服以即戎冠弁則服以從禽非常服也惟皮弁上下通服之故知皮弁也○曹氏粹中曰士之爵弁服之以祭皮弁服之以朝其在王者常朝則服皮弁而燕同姓亦服之所謂皮弁者以白鹿皮為冠其衣十五升布其裳素積

嘉旨皆美也匪他非他人也薦寄生

也葉似當盧子如覆盆子赤黑甜美

劉氏瑾曰本草一名寓木凡桑

擗樹擗柳楊楓等樹上皆有之此物自感造化之氣而生別是一物也○沈氏萬鈞曰圖經云寄生是鳥食物子落枝節間感氣而生葉似橘而厚軟莖似槐皮而肥脆三四月開花黃白色六七月結實黃色如小豆

女蘿兔絲也蔓連草上黃赤如金

陸氏璣曰今合藥兔絲子

是也非松蘿松蘿自蔓松上生枝正青與兔絲殊異此則比也君子兄弟為賓

者也奕奕憂心無所薄也

孔氏穎達曰憂則心遊不定故為無所薄也

○

此亦燕兄弟親戚之詩

朱氏公遷曰此於兄弟之下添親戚二字蓋本於末章兄

弟甥舅而言

故言有類者弁竇維伊何乎爾酒既旨爾殽

既嘉則豈伊異人乎乃兄弟而匪他也又言薦蘿施

于木上以比兄弟親戚纏緜依附之意是以未見而憂既見而喜也

集說

輔氏廣白有類者弁本但言與宴者其弁類然耳只是賦體又貼一句賓維伊何以興起下二

句此則興體至於薦與女蘿施于松柏則又為比體也豈伊異人兄弟匪他言當極其親厚之意耳以薦也切矣未見而憂既見而喜則其與之也深矣○朱氏公遷曰松柏薦蘿異根同植兄弟親戚以異姓為骨肉蓋若此矣

○有類者弁實維何期爾酒既旨爾殽既時豈伊異人

兄弟具來

叶陵反

薦與女蘿施于松上

叶時亮反

未見君子憂

心怲怲

兵命反叶  
兵旺反

既見君子庶幾有臧

叶才反

集傳賦而興又比也何期猶伊何也時善

輔氏廣曰  
以時為善

何也曰物得其時則善  
矣與維其時矣之時同具俱也怲怲憂盛滿也臧善

也

集說

陳氏推曰天倫之樂既叙天下  
事無有善於此者故曰有臧

○有頍者弁實維在首爾酒既旨爾殽既阜

方九反

豈伊

異人兄弟甥舅

巨九反

如彼雨

于付反

雪先集維霰

蘇薦反

死

喪

去聲

無日無幾

居豈反

相見樂

音洛

酒今夕君子維宴



集傳賦而興又比也阜猶多也甥舅謂母姑姊妹妻

族也

爾雅母之舅弟為舅妻之父為外舅姑之子為甥舅之子為甥妻之舅弟為甥姊妹之夫為甥

謂我舅者吾謂之甥

霰雪之始凝者也將大雨雪必先微溫雪

自上下遇溫氣而搏謂之霰久而寒勝則大雪矣

孔氏

穎達曰大戴禮曾子云陽之專氣為霰盛陰之氣在雨水則凝滯而為雪陽氣薄而脅之不相入則消散

而下因水而為霰是霰由陽氣所薄而為之故言遇溫氣而搏也○何氏楷曰說文云霰稷雪也徐鍇云

雪初作未成花圖如稷粒撒而下也

言霰集則將雪之候以比老至則

將死之徵也故卒言死喪無日不能久相見矣但當

樂飲以盡今日之歡篤親親之意也

集說

劉氏辰翁曰相會之始為此危語相感動以極歡趣耳○季氏本曰言甥舅者燕兄弟而併及

甥舅也無幾相見兄弟甥舅自相謂也蓋欲其盡今日而樂酒也

總論

朱氏善曰推親親之恩由兄弟以及甥舅亦其親疎之意也言薦蘿施于木上以比纏綿依附

之意以雪之先集維霰比老至之驗方其纏綿固欲相依以永久也既而自知老之將至惟當樂酒以盡今夕之歡耳蓋君子之於兄弟親戚其相與之情無窮而相見之日有限以無窮之情乘有限之日則其飲食聚會亦真情之所不能已也○姚氏舜牧曰凡燕飲洽彼此之情況兄弟親戚其情尤不可解者故此詩先問其所與燕者始叙其所為燕者曰此我之兄弟也甥舅也然後道達其情必先悅懌而有臧樂

酒而維宴此其  
情意極款洽也

# 頍弁三章章十二句

集說

鄒氏泉曰此詩見薦親親之意與角弓相反○陳氏際泰曰頍弁猶常棣之志也

閒闕車之牽

胡瞻下介二反

兮思變

力竟反

季女逝

石列石例二反

兮匪

飢匪渴德音來括雖無好友

叶羽已反

式燕且喜

集傳賦也閒闕設牽聲也牽車軸頭鐵也無事則脫

行則設之

董氏道曰案說文牽鍵也故謂之闕又曰牽車聲也車鍵而行則有聲故古人以閒

闕為聲其說本此

昏禮親迎者乘車變美貌逝往括會也○

此燕樂其新昏之詩故言閒闕然設此車牽者蓋思  
彼變然之季女故乘此車往而迎之也匪飢也匪渴  
也望其德音來括而心如飢渴耳雖無他人亦當宴  
飲以相喜樂也

集說

朱氏公遷曰望其德音來括則以賢配賢雖樂而不失其正矣○朱氏善曰思變季女則男至

女家而親迎也德音來括則女至男家而成室也式燕且喜則既至而燕飲以相喜樂也○季氏本曰言我所以思變然之少女而貫聲以往迎者特以德音之善而欲其來會耳凡人之德賴友以成既得季女之賢自足以助我成德雖無好友而式燕且喜矣此則以得賢女為慶也

○依彼平林有集維鷮

音驕

辰彼碩女令德來教

叶居反

式

燕且譽好

呼報反

爾無射

音亦叶都故反

集傳興也依茂木貌鷮雉也微小於翟走而且鳴其

尾長肉甚美

陸氏佃曰薛綜曰雉之健者為鷮尾長六尺字說曰从喬尾長而走且鳴則其

首尾喬如也

辰時碩大也爾即季女也射厭也○依彼平

林則有集維鷮辰彼碩女則以令德來配已而教誨

之

黃氏佐曰來教只是贊內治意

是以式燕且譽而悅慕之無厭也

集說

范氏處義曰上章言季女以其年之季也此章言碩女言其德之碩也○朱氏公遷曰上言德

音聞其有是德也此言令德則見其實有是德矣故  
疊燕喜之意而申以無射云○季氏本曰言平林茂  
木有文采之鵲集而依焉喻己有碩女能及時來配  
而以令德教我如此不唯可以得其燕安且有以  
成我美譽則碩女之德誠可為全而我之好是懿德寧有厭射之心乎

○雖無旨酒式飲庶幾雖無嘉穀式食庶幾雖無德與  
女音汝式歌且舞

集傳賦也旨嘉皆美也女亦指季女也○言我雖無  
旨酒嘉穀美德以與女女亦當飲食歌舞以相樂也

集說

朱氏公遷曰上言德音令德此言無德與女蓋  
美其新昏而謙以承之也故又冀其飲食歌舞

以荅燕喜燕  
譽之意也

○陟彼高岡析

星厯反

其柞

才落反

薪

叶音襄

析其柞薪其葉

湑

思呂反

兮鮮

息淺反

我覲爾我心寫

叶想羽反

兮

集傳興也陟登柞櫟湑盛鮮少覲見也○陟岡而析

薪則其葉湑兮矣我得見爾則我心寫兮矣

集說

顧氏起元曰析薪而其葉湑所得副所求故以爲興鮮我覲爾猶言難得見爾也蓋惟其令德

世不恒有故云然我覲即上文今德來教我心寫即上文燕樂無厭飲酒歌舞等事

○高山仰

叶五剛反

止景行行

叶戶郎反

止

四牡騤騤

叶非反

六轡

如琴觀爾新昏以慰我心

集傳興也仰瞻望也景行大道也如琴謂六轡調和  
如琴瑟也慰安也○高山則可仰景行則可行馬服  
御良則可以迎季女而慰我心也此又舉其始終而  
言也表記曰小雅曰高山仰止景行行止子曰詩之  
好仁如此鄉音向道而行中道而廢忘身之老也不知  
年數之不足也俛焉日有孳孳斃而後已

輔氏廣曰  
表記之言

雖非詩之本旨然讀者能如此則能有益於己矣時  
過而學者可常常涵泳此數語以自警○朱氏公遷



曰既鄉道而行矣可中道而廢乎是以不能自己也  
意謂山必陟巔道必涉畿學必至於極然後止此惟  
廣而為學者言之耳

集說

錢氏天錫曰高山景行興令德仰止行止興慰  
心○何氏楷曰此興季女之賢可為師法與令

德來教  
相應

總論

輔氏廣曰一章言其望之甚切故得之甚喜也  
二章言得之有譽故好之無厭也三章則自謙

之詞言我雖無以與女而女則宜有以相樂也四章  
則言我心傾寫於女以見誠之至也五章則舉其始  
終而言之上四句言其始下二句言其終前已極言  
之矣故此但言其略耳○劉氏瑾曰此詩皆言慕悅  
賢女之意故其未得之也望其德音來括而心如飢  
渴既得之也喜其令德來教而心如輸寫至於宴樂

之也又數為歡之無美具而且恐無德以相與證之關雎亦可謂得性情之正者也

車牽五章章六句

集說

朱氏善曰正小雅有鹿鳴以燕羣臣有常棣以燕兄弟有伐木以燕朋友而獨於夫

婦缺焉則此詩雖燕樂新昏之詩其亦昏禮上下通用之樂也歟

營營青蠅止于樊

音煩叶  
汾乾反

豈弟君子無信讒言

集傳比也營營往來飛聲亂人聽也青蠅汙穢能變

白黑

鄭氏康成曰蠅之為蟲汙白使黑汙黑使白喻佞人變亂善惡也○許氏謙曰營營者青蠅之

聲也變白黑者青蠅之性也見其飛之營營則知其必變白黑矣聽小人之讒則知其亂是非矣傳上言

亂人聽下言變

樊藩也

孔氏穎達曰孫炎曰樊圃之樊

君子謂王也

○詩人以王好聽讒言故以青蠅飛聲比之而戒王

以勿聽也

集說

歐陽氏修曰青蠅之為物甚微至其積聚而多也營營然往來飛聲可以亂人之聽故詩人引

以喻讒言漸漬之多能致惑爾其曰止于樊者欲其遠之當限之於藩籬之外也○陳氏鵬飛曰青蠅穢不潔之物驅之使去而復還以比小人態狀可惡而又難遠○讒言多由持心傾險而後入故君子當時心樂易不聽讒言也○呂氏祖謙曰營營青蠅止于樊行且至於几席盤盂之間矣蓋憂之也

○營營青蠅止于棘讒人罔極交亂四國

叶越逼反

集傳興也棘所以為藩也極猶已也

集說

呂氏祖謙曰前漢注曰樂易之君子不當信讒人若讒言無極則四國亦以交亂宜深察也○

嚴氏祭曰讒言無有窮極豈特近者不安雖四國之遠亦以交亂其禍甚大矣

○營營青蠅止于榛

反士中

讒人罔極構

反古豆

我二人

集傳興也構合也猶交亂也

孔氏穎達曰構者構合兩端令二人彼此相嫌

交更惑亂與上章義同

已與聽者為二人

集說

陳氏櫟曰讒人罔極之禍其末至於亂四國其始先於構二人聽者察於其始而早絕之庶乎

不至於罔極也○張氏彩曰枝葉之繁密者無過於榛而蠅亦集其中喻人之情好雖密而讒人無不能

離間其間也

總論

程子曰青蠅詩言樊棘榛言二人四國自樊而觀之則樊為近而棘榛為遠自二人而觀之則

二人為小而四國為大讒人之情常欲汙白以為黑也而其言不可以直達故曰營營往來或自近以至於遠或自小而至於大然後其說得行矣○何氏楷曰羅願云君子之於讒也初益易之至於亂之又生而後君子信其讒故首章但云無信讒言至其二章則已交亂在外之四國至其三章則雖同心如我二人者亦不能以相有其始輕之而不忌皆如此蠅矣

### 青蠅三章章四句

集說

劉氏瑾曰首章以青蠅與君子對言故知以蠅聲比讒言下二章以青蠅與讒人對

言故知屬興此比興相似而不同者凱風詩亦然

賓之初筵左右秩秩

無韻未詳後三四章放此

籩豆有楚殽

戶交反

核

戶革反

維旅酒既和旨飲酒孔偕

音皆叶舉里反

鐘鼓既設

叶書質反

舉醕

市由反

逸逸大侯既抗

叶居郎反

弓矢斯張射夫既同獻

爾發功發彼有的

叶丁樂反

以祈爾爵

集傳賦也初筵初即席也

孔氏穎達曰春官司几筵注云筵亦席也鋪陳曰筵

藉之曰席

左右筵之左右也秩秩有序也楚列貌殽豆實

也核籩實也

鄭氏康成曰豆實菹醢也籩實有桃梅之屬○孔氏穎達曰殽是總名此文殽

核與籩豆相對故分旅陳也和旨調美也孔甚也偕

之耳其實核亦為殽

孔氏穎達曰言衆賓之飲酒又威儀齊一也主人敬其事而衆賓肅慎明賓主皆得其宜

也設宿設而又遷於下也大射樂人宿縣厥明將射

乃遷樂於下以避射位是也

鄭氏康成曰鐘鼓於是言既設者將射改縣也

○劉氏瑾曰大射儀有樂人宿縣之文蓋將射於學宮先一宿各縣鐘磬鼓鐻於堂下東西北三面鄉射

禮則有樂正命遷樂於下之文集傳所引乃參約大射鄉射禮文以明此鐘鼓既設之義耳射皆用樂者

蓋諸侯之射則先行燕禮大夫士之射則先行鄉飲禮故也然此章乃言人君燕射燕在路寢自有常縣

之樂謂宿設者先儒以為更整理之耳

舉醕舉所奠之醕爵也逸逸往

來有序也大侯君侯也天子熊侯白質諸侯麋侯赤

質大夫布侯畫以虎豹士布侯畫以鹿豕

孔氏穎達曰鄉射記

注云此所謂獸侯也燕射則張之熊麋虎豹鹿豕皆正面畫其頭象於正鵠之處君畫一臣畫二陽奇陰耦之數也○李氏如圭曰言質者以白與赤采其地而後畫布侯者直畫而已天子侯身一

丈其中三分居一白質畫熊其外則丹地畫以雲氣

劉氏瑾曰凡侯中有身有上下舌獸侯以布為之天子與圻外諸侯皆用布九幅每幅濶二尺其高一丈八尺九幅之布廣一丈八尺最中一幅即所謂中也中之上下各二幅連中幅共高一丈所謂身也身之上下又各二幅以為舌據侯中之廣一丈八尺以三分之一為正鵠則正鵠當廣六尺此燕射之侯不



設正鵠則於正鵠之處以白采其地而畫熊為的又於其側以丹色為質畫雲氣為飾自廐侯以下其飾

皆抗張也凡射張侯而不繫左下綱中掩束之

劉氏瑾曰

鄉射禮注綱持舌繩也

不繫者事未至也至將射司馬命張侯弟子脫束

遂繫下綱也

劉氏瑾曰侯有上下左右舌故有上下左右綱繩出於舌外以持舌而繫之也

又有維以綴侯身侯舌之四角而繫之

大侯張而弓矢亦張節也射夫

既同比

反至

其耦也

鄭氏康成曰比選次其才相近者也

射禮選羣臣

為三耦

李氏如圭曰三耦使大夫士為之

三耦之外其餘各自取匹

謂之衆耦獻猶奏也

孔氏穎達曰獻奏皆奉上之言以發矢能中是呈奏已功故以

獻為發發矢也的質也

孔氏穎達曰侯中所射之處為質也

祈求也

禮記

射義求中以辭爵也酒者所以養老也所以養病也求中以辭養也

爵射不中者飲豐

上之觶

音真也

儀禮卒射司射命弟子設豐弟子奉豐升設於西楹之西勝者之弟子洗觶升

酌奠於豐上不勝者進取觶少退立卒觶進奠於豐下注豐形蓋似豆而果

○衛武公飲

酒悔過而作此詩此章言因射而飲者初筵禮儀之

盛酒既調美而飲者齊一至於設鐘鼓舉酌爵

劉氏瑾曰

燕射主於飲酒而於獻酢旅酬之後司射乃命納射器司馬命張侯樂正命遷樂於是乃射故此言大侯

既抗於設鐘鼓

抗大侯張弓矢而衆耦拾

其劫反

發

孔氏

頡達曰大射禮注云拾  
更也射者更代發矢

各心競云我以此求爵汝也

集說

輔氏廣曰賓之初筵左右秩秩言其坐次之有  
序也籩豆有楚穀核維旅言其陳列之整潔也

酒既和旨飲酒孔偕言其飲者之齊一也鐘鼓既設  
言其樂之備也鐘鼓舉其大者舉醕逸逸言其進止  
之安徐也舉醕謂旅酬時安徐則有序矣大侯既抗  
弓矢斯張言其射之有節也射夫既同獻爾發功言  
其善射者之多也發彼有的以祈爾爵言其射之命  
中以辭爵辭養也○徐氏鳳彩曰首章言賓初即席  
未射而飲如此其陸飭也及將射則遷堂上之鐘鼓  
於堂下以避射位而舉席前之爵以行旅酬是將射  
而飲又如此其從容也及弓矢張衆耦同各心競云  
我務中的祈爾以飲此爵不曰罰而曰祈言借以勸  
飲耳是方射而飲  
又如此其謙和也

○籥舞笙鼓樂既和奏

叶宗五反

烝衍

苦旦反

烈祖以洽百禮

百禮既至有壬有林錫爾純嘏子孫其湛

都南反叶其持林反

湛曰樂

洛音

各奏爾能

叶奴金反

賓載手仇

音拘叶求其二音

室人入

又

叶由怡二音

酌彼康爵以奏爾時

叶酬時二音

集傳賦也籥舞文舞也

毛氏苾曰東籥而舞與笙鼓相應

烝進行樂

烈業洽合也百禮言其備也

孔氏穎達曰百禮所薦之酒食穀羞之百種也

壬大林盛也言禮之盛大也錫神錫之也爾主祭者

也嘏福湛樂也

朱子曰既錫爾福及爾子孫皆獲湛樂也

各奏爾能謂子

孫各酌獻尸尸酢而卒爵也

劉氏瑾曰特牲三獻之後長兄弟洗解獻尸尸

飲畢酢之長兄弟受而卒爵少牢下篇三獻之後亦有二人洗解酌獻之禮各奏爾能之義其謂此類歟

仇讀曰斟

許氏謙曰釋文斟音拘挹取酒也

室人有室中之事者謂

佐食也

孔氏穎達曰佐食謂於賓客之中取人令佐主人為尸設饌食之人

又復也賓

手挹酒室人復酌為加爵也

儀禮特牲衆賓長為加爵○劉氏辰翁曰入又

者更迭再酌也○黃氏一正曰賓載手仇賓長加爵以獻尸也室人入又亦加爵以獻尸也仇挹於壘也

酌注於

康安也酒所以安體也

呂氏祖謙曰邱氏曰以其養老養病故曰

安或曰康讀曰抗記曰崇拈康

音抗

梁氏益曰明堂位崇拈康圭鄭

氏注云崇高也康讀為亢又為高坵亢所受此亦謂圭奠於上焉○康舉也舉圭於坵之上也

坵上之爵也時時祭也蘇氏曰時物也○此言因祭而飲者始時禮樂之盛如此也

集說

歐陽氏修曰前二章略陳飲酒必賓主秩秩然肅恭至於籩豆殽菽皆有次序而酒旨樂和又

不徒燕飲而已也或行射禮以揖讓周旋因其勝不以相爵或因祭其先祖神享而降福子孫受賜乃相湛樂蓋明非以淫佚為樂也○王氏安石曰先王用酒常以祭祀必有禮樂有大禮斯有大樂以和之有脩樂斯有備禮以成之籥舞笙鼓有備樂也以洽百禮有備禮也○劉氏瑾曰此言祭宴禮樂之盛亦蒙上章初筵之意然武公因酒過作詩宜於深自懲創若大禹惡而絕之也今二章乃皆盛陳飲酒之禮者

蓋酒非有過也飲者常至於過也飲者之於初筵亦未有過也其於既醉則不能無過也公之自悔自戒亦慎終如始而已豈必廢燕射祭祀之禮而後免於酒禍哉

○賓之初筵溫溫其恭其未醉止威儀反反

叶分  
反

曰既

醉止威儀幡幡

叶分  
反

舍其坐遷屢舞僂僂其未醉止

威儀抑抑曰既醉止威儀忼忼

毗必  
反

是曰既醉不知其

秩

集傳賦也反反顧禮也幡幡輕數

音朔  
下同

也毛氏萇曰  
反反言重

慎也幡幡失威儀也

遷徙屢數也

劉氏彞曰賓主各有定位今則舍其坐而遷其位是賓主

可得而易也舞之奏各僂僂軒舉之狀抑抑慎密也

孔氏穎達曰謂慎禮而密靜

忸忸嫫嫫音慢也秩常也○此言凡

飲酒者常始乎治而卒乎亂也

集說

鄭氏康成曰此言賓初即筵之時能自勅戒以禮至於旅酬而小人之態出○范氏處義曰上

二章既言飲酒始終皆不失禮此章乃極言飲酒未醉與既醉之狀謂今之飲酒始即席固亦溫溫而恭有足觀者奈其未醉則威儀皆幡幡而舉動不寧舍其坐次遷徙其既醉則威儀皆幡幡而舉動不寧舍其坐次遷徙不常屢舞無節僂僂輕舉視未醉之時則抑抑而謙下既醉之後則忸忸而嫫嫫此之謂為酒所困不復知有秩序矣



○賓既醉止載號

乎毛反

載嘏

女交反

亂我籩豆屢舞僛僛

起其反

是曰既醉不知其郵

叶于反

側弁之俄屢舞僛僛

素多

反既醉而出竝受其福

叶筆力反

醉而不出是謂伐德飲酒

孔嘉

叶居何反

維其令儀

叶牛何反

集傳賦也號呼嘏謹也

孔氏穎達曰唱呌也

僛僛傾側之狀郵

與尤同過也側傾也俄傾貌僛僛不止也出去伐害

孔甚令善也○此章極言醉者之狀因言賓醉而出

則與主人俱有美譽

鄒氏泉曰賓能節飲而謹德之名著主能善燕而親德之譽揚

所謂竝受其福也

醉至若此是害其德也飲酒之所以甚美者以其有令儀耳今若此則無復有儀矣

集說

孔氏穎達曰前章言燕初及旅酬之事此述無算爵之後上言曰既醉止與此是曰既醉言醉

而復益醉也上言僂僂是舞之形貌猶能自正傲傲則不能自正僂僂則非徒不正又不能止為差降也○蘇氏轍曰此章申言其亂而終誨之也○姚氏舜牧曰德是人之所以自立者使亂其威儀而喪德是自伐也儀與德正相照凡有令德者必有令儀喪失其儀即為伐德小宛大夫以壹醉日富為戒而歸之敬爾儀儀此以是謂伐德為戒而歸之維令儀儀之關於酒德也如是夫

○凡此飲酒或醉或否

叶補美反

既立之監或佐之史彼醉

不臧不醉反恥式勿從謂無俾大

音泰怠里反

匪言勿言

匪由勿語由醉之言俾出童殺

音古

三爵不識

叶失志

矧

失引敢多又

叶夷益夷鼓二反

集傳賦也監史司正之屬

董氏道曰立之監以監之佐之史以書之古之慎禮

如燕禮鄉射恐有解

音懈

倦失禮者立司正以監之察

儀法也

朱子曰鄉飲酒禮鄉射禮皆曰相為司正燕禮曰射人為司正

謂告由從也

童殺無角之殺羊必無之物也

蘇氏轍曰殺未有童者也俾出童殺深戒

也識記也○言飲酒者或醉或不醉故既立監而佐

之以史則彼醉者所為不善而不自知使不醉者反  
為之羞愧也安得從而告之使勿至於大急乎告之  
若曰所不當言者勿言所不當從者勿語醉而妄言  
則將罰汝使出童殺矣設言必無之物以恐之也女  
飲至三爵已昏然無所記矣況敢又多飲乎又丁寧  
以戒之也

集說

輔氏廣曰欲其不至於昏醉而告之使勿大急蓋凡溺於酒者其病只在急稍自謹飭者便不

至若是匪言勿言匪從勿語應前章號呼謹呶而云也言自言也語與人語也苟不可從則豈可語人哉

○姚氏舜牧曰三爵不識二句正與首二章相照應  
首章曰發彼有的以祈爾爵言禮射而飲未有過於  
三爵者次章云酌彼康爵以奏爾時言祭畢而飲亦  
未有過於三爵者茲燕飲者屢舞而不知號呶而無  
節伐德喪儀莫此為甚則觥觥交錯之所使也故立  
之監史以警戒之而終之曰三爵不識矧敢多又蓋  
教之但如射飲獻酬之合  
禮而不可至於大忘也

### 總論

許氏謙曰一章言因射而飲二章言因祭而飲  
是言古飲酒之禮也三章以下則今飲酒之失

也三章言飲而未醉則威儀中適醉而不止則喪敗  
其威儀四章言飲當知止而戒其謹威儀五章言飲  
不可至醉而戒其謹言語○姚氏舜牧曰大抵酒之  
為禍嘗在於賓筵故詩首說賓之初筵舉為射而設  
者其禮儀卒度而無亂次及祭畢而飲者其儀度一  
歸於禮而無亂方提燕飲之賓筵始乎治卒乎亂者

再三以深  
致其戒云

賓之初筵五章章十四句

集傳毛氏序曰衛武公刺幽王也韓氏序曰衛

武公飲酒悔過也

韓氏嬰曰衛武公飲酒悔過也言賓客初就筵之時賓主

秩秩然俱謹敬也賓既醉止不知其為惡也

今案此詩意與大雅抑

戒相類

劉氏瑾曰此詩之意恐醉酒而伐德猶抑詩所謂顛覆厥德荒湛于酒也此詩

之意反覆以威儀為言猶抑詩言抑抑威儀敬慎威儀敬爾威儀不愆于儀也此詩言載號載言也以此詩有童殺之語抑詩亦有彼童而

角之喻其語意多相類也然抑詩凡言女言爾  
集傳以為武公使誦詩者命己之詞今案此詩  
凡言賓言爾者恐  
亦武公自謂也  
必武公自悔之作當從韓義

集說

董氏鼎曰史鴻漸云衛人何其服酒誥之  
訓世守於無窮也始也商俗淫酒武王以

酒誥戒之幽王之世上下沈湎武公飲酒自悔  
作賓之初筵見衛人非特一時聞訓不敢自越  
於禁防又能以其所以禁防者傳為子孫法焉  
○劉氏瑾曰酒誥言謹酒之意以為父母慶克  
羞者羞饋祀則皆可用酒亦若武公謹酒而言  
因射而飲因祭而飲之意也夫酒之為禍內則  
喪人之德外則喪人威儀謹酒之要亦惟致力  
於二者而已故此詩言德者一而言威儀者五  
酒誥言德者八而言威儀者一詳略可互相備  
矣武公此詩其真有得於武王康叔之家法歟

魚在在藻有頌

符云反

其首王在在鎬豈

苦在反

樂

音洛

飲酒

集傳興也藻水草也頌大首貌

毛氏萇曰魚以依蒲藻為得其性

豈

亦樂也○此天子燕諸侯而諸侯美天子之詩也言

魚何在乎在乎藻也則有頌其首矣王何在乎在乎

鎬京也則豈樂飲酒矣

黃氏佐曰此以樂得其所為興而語勢又相應也

集說

劉氏彛曰夏月之時淺水生藻陽氣在外魚亦從之不潛於淵而在於藻也有頌其首者出遊

水面則露其首故見其頌大也○朱氏道行曰魚藻諸侯據所在以起興而誦美其與下之仁豈樂飲酒

猶有前王厭厭之遺風焉



○魚在在藻有莘

所中反

其尾王在在鎬飲酒樂豈

叶去反

集傳興也莘長也

集說

劉氏彞曰有莘其尾者飽滿無虞則戲於水面既升而露其首又降而露其尾莘然其長矣○

許氏謙曰豈樂飲酒飲酒樂豈固易韻以反覆其詞然其意亦疑有異上章樂而飲酒樂四方和平諸侯賓服也下章飲酒而樂樂禮儀既備人情洽和也

○魚在在藻依于其蒲王在在鎬有那

乃多反

其居

集傳興也那安居處也

集說

鄭氏康成曰天下平安王無四方之虞故其居處那然安也○呂氏柝曰魚依于蒲則釣餌不

能施綸竿不能加可謂益安矣王而邪居則仰得天命之眷俯得人心之從此所以豈樂飲酒也

總論

輔氏廣曰此詩與鴛鴦相類辭雖簡而意則切矣不頌其德者德盛而非言之所能盡亦尊敬

之至而不敢加以形容也但美其樂飲安居而已則非盛德其孰能之○姚氏舜牧曰豈樂飲酒是始其樂飲酒樂豈是終其樂有邪其居則安然以享此樂之無已

魚藻三章章四句

集說

黃氏震曰此詩與王在靈囿於物魚躍氣象同因時序以為刺諸家遂強以愁歡之

辭釋之然本文之和樂氣象終不可改但外添一語云傷今之不然三味此詩初無此意

采芣采芣筐

音

之筐

音

之君子來朝

音

何錫予

音

之雖

無予之路車乘

緇證反

馬

叶滿補反

又何予之玄衮

古本反

及黼

甫音

集傳興也菽大豆也君子諸侯也路車金路以賜同

姓象路以賜異姓也

周禮巾車金路鈎樊纓九就同姓以封象路朱樊纓七就異姓

以封注金路以金飾諸末鈎婁頤之鈎以金為之樊馬大帶也纓馬鞅樊纓皆以五采屬飾之而九成象

路以象飾諸末無鈎以朱飾勒而已其樊纓飾七成玄衮玄衣而畫以卷衮音龍

也黼如斧形刺

七亦反

之於裳也

呂氏祖謙曰上公之服九章衮畫於衣九

章之第一章也黼黼於裳九章之第八章也

周制諸公衮冕九章已見九

黻篇

鄭氏康成曰一曰龍二曰山三曰華蟲四曰火五曰宗彝皆畫以為績六曰藻七曰粉米八曰

黼九曰黻皆紵以為繡則衮之衣五章裳四章凡九也

侯伯鷩

鷩

七章則自

華蟲以下

鄭氏康成曰鷩畫以雉謂華蟲也其衣三章裳四章凡七也

子男毳

毳

反冕五章衣自宗彝以下而裳黼黻

鄭氏康成曰毳畫虎雌謂宗彝

也其衣三章裳二章凡五也

孤卿紵

知上聲

冕三章則衣粉米而裳

黼黻

鄭氏康成曰紵刺粉米無畫也其衣一章裳二章凡三也

大夫玄冕則玄衣

黻裳而已

鄭氏康成曰玄冕者衣無文裳刺黻而已凡冕服皆玄衣纁裳六服同冕者首飾尊

也

○此天子所以荅魚藻也采菽采菽則必以筐筥

盛之君子來朝則必有以錫予之又言今雖無以予之然已有路車乘馬玄衮及黼之賜矣其言如此者好之無已意猶以為薄也

集說

朱氏善曰予之以車馬所以為之乘予之以衮黼所以為之衣其禮亦已厚矣而猶以為薄者

蓋以車馬衣服之賜自先王以來所以懷諸侯者如此吾遵而行之非能有加於常禮之外也則其歟然不自足之意可見矣○顧氏起元曰錫車馬以分氏族也賜衣服以別官階也玄衮及黼有衮龍以繪於衣自公而下隨其等而降殺有黼黻以刺於裳自子男而上隨其等而加隆也

○盛

音沸音檻

胡覽反

泉

叶才反

言采其芹

巨斤反

君子來朝

言觀其旂

巨依反叶

其旂淠淠

匹弊反

鸞聲嘒嘒

呼惠反

載

驂

七南反

載駟君子所屈

叶居氣反

集傳興也。觴沸泉出貌。檻泉正出也。

梁氏益曰爾雅云檻泉正出公

羊傳云直出直猶正也正出者涌出也自發源處涌而直上故曰正出

芹水草可食

陸氏

佃曰芹水菜一名水英爾雅謂之楚葵潔白而有節其氣芬芳而味不如蓴之美

淠淠動貌

嘒嘒聲也

王氏安石曰嘒嘒言其聲之細無敢馳驅故也

屈至也。○觴沸檻

泉則言采其芹諸侯來朝則言觀其旂見其旂聞其

鸞聲又見其馬則知君子之至於是也

集說

李氏公凱曰於檻前涌出之地則可采其芹矣

龍之旂淠淠然飛動又聞其鸞鈴之聲嚙嚙然中節又見其駟之來則知諸侯至於此矣○顧氏起元曰此言始來朝之儀以見錫予之由也○何氏楷曰以檻泉自下上出與君子自下國而朝於王朝檻泉之旁有芹可采與君子來朝亦有儀從可觀

○赤芾

音弗

在股邪幅在下

叶後反

彼交匪紆

音舒叶上與反

天子

所予

音與

樂只

音止

君子天子命

叶彌并反

之樂只君子福祿申

之

集傳賦也脛本曰股邪幅偏也邪纏於足如今行滕

所以束脰在股下也

鄭氏康成曰邪幅行脰也偏束其脰自足至膝故曰在下○孔

氏穎達曰脰織也名行脰者言行而織束之也○陳氏鵬飛曰帶裳幅烏昭其度也幅雖微而有差等之

度故并交交際也紓緩也○言諸侯服此帶偏見於

天子恭敬齊咨齋二音 遯不敢紓緩則為天子所與而申

之以福祿也

集說

蘇氏轍曰君子之所以自較而交於人者如此則天子從而予之矣是以錫之命而申之以福

祿○朱氏善曰禮以齊遯為敬彼交匪敖則萬福之所求彼交匪紓則天子之所予即福祿之所申也○鄒氏泉曰此章正是入覲之事匪紓以上言其入覲之敬下言其得君而獲福也○姚氏舜牧曰人臣之



上交敬而已敬則謹嚴整肅莫敢一事之少紆紆則  
急緩而不恭未有不取譴於天子者此言彼交匪紆  
福祿申之信知  
上交須敬也

○維柞之枝其葉蓬蓬樂只君子殿多見反天子之邦叶

反工樂只君子萬福攸同平平婢延反左右亦是率從

集傳興也柞見車輦篇蓬蓬盛貌殿鎮也孔氏穎達曰軍行在

後曰殿取鎮重之義故曰殿鎮也平平辯治也黃氏佐曰辯而不雜治而不亂乃整齊意

言其威儀如此也左右諸侯之臣也率循也○維柞之枝則

其葉蓬蓬然樂只君子則宜殿天子之邦而為萬福

之所聚又言其左右之臣亦從之而至此也

集說

劉氏彞曰柞之所以有枝以衛其株枝之所以有葉以庇其幹者皆由根本堅固氣脈盛大俾

之然也根本天子也枝葉諸侯也氣脈者朝廷之寵命也故葉之蓬蓬者根本氣脈之所及然則葉之蓬蓬反以衛其根株而為之堅固猶天子寵錫諸侯俾之茂盛反能殿天子之邦而益朝廷之固也故曰樂只君子殿天子之邦樂只君子萬福攸同○姚氏舜牧曰殿邦是與之之詞蓋即其來朝匪紆者信其能鎮定天子邦家而為萬福之所同也

○汎汎

反芳劍

楊舟緋

音弗纚

反力馳

維之樂只君子天子葵

之樂只君子福祿晚

頻尸反

之優哉游哉亦是戾

叶郎反

矣

集傳興也紼率

音律也

孔氏穎達曰孫炎云紼大索也李廵云所以維持舟者

麗

維皆繫也言以大索纚其舟而繫之也葵揆也揆猶

度也

輔氏廣曰言天子能揆度諸侯之心而知其底蘊也

晚厚戾至也○汎汎

楊舟則必以紼纚維之樂只君子則天子必葵之福

祿必晚之於是又歎其優游而至於此也

集說

歐陽氏修曰汎汎楊舟紼纚維之者詩意紼纚維舟如天子以爵命維制諸侯爾故其下文云

樂只君子天子葵之○黃氏佐曰此章興至晚之舟之不定者必纚之又維之諸侯之可喜者必深察之又厚遇之葵之是於交際之涯紓而度其有忠君愛國之心也○唐氏汝諤曰左右之從與優游之戾皆

是作詩者用意處見不獨君子賢而其  
旅亦賢不獨在朝時敬而在道時已敬

總論

輔氏廣曰此詩首章之意至矣言其寵錫之厚而心猶以為不足也二章則言其始來之時見

其車旂而喜其至三章則言其始見天子時恭敬齊邀而為天子之所予四章則言其德足以鎮天子之邦為萬福之所聚而又喜其左右之臣相從而至五章則申言之而又歎其至也優游自適而無勉強不得已之意一有勉強之心則急矣

## 采菽五章章八句

集說

王氏志長曰采菽詩車馬衮黼福祿申重亦既優渥矣至於末章以天子葵之一語

寓子奪隆殺之義而當時侯度之恪於赤芾邪幅間著其匪紆之節千載之下想見九重之遐

若咫尺焉故可以懷諸侯治天下也

駢駢

息營反

角弓

翩

匹然反

其反

叶分反

矣兄弟昏姻無胥遠

叶於反矣

集傳興也駢駢弓調和貌角弓以角飾弓也

孔氏穎達曰弓

人以六材為弓謂幹角筋膠絲漆也

翩反貌弓之為物張之則內向而

來弛之則外反而去有似兄弟昏姻親疎遠近之意胥相也○此刺王不親九族而好讒佞使宗族相怨之詩言駢駢角弓既翩然而反矣兄弟昏姻則豈可

以相遠哉

集說

歐陽氏修曰弓之為物其體往來詩人以喻九族之親王若親之以恩則內附若不以仁恩結

之則亦離叛而去矣○徐氏光啓曰角弓張之乃來一弛便去兄弟昏姻親之乃近一疏便遠言當黽勉同心之意

○爾之遠

叶於反

矣民胥然矣爾之教矣民胥效矣

集傳賦也爾王也上之所為下必有甚者

集說

李氏樗曰堯親九族九族既睦然後協和萬邦黎民於變時雍周之文武親親以睦然後民德

歸厚蓋上有所好下必有甚焉兄弟昏姻王苟遠之則民皆然矣王苟以此教民則民亦將效之矣

○此令兄弟綽綽有裕

預與二音

不令兄弟交相為瘡

同上

集傳賦也令善綽寬裕饒瘡病也○言雖王化之不善然此善兄弟則綽綽有裕而不變彼不善之兄弟則由此而交相病矣蓋指讒已之人而言也

集說

王氏安石曰綽綽有裕者交相愛也交相為瘡者交相惡也○輔氏廣曰交相病言交相讒害

也集傳以為指讒已之人者言其病已者也

○民之無良相怨一方受爵不讓

叶如羊反

至于已斯亡

集傳賦也一方彼一方也○相怨者各據其一方耳

若以責人之心責已愛已之心愛人使彼已之間交見而無蔽則豈有相怨者哉況兄弟相怨相讒以取爵位而不知遜讓終亦必亡而已矣

朱氏公遷曰已斯亡者亡而後

也已

集說

王氏安石曰民喪其良心不參彼已之曲直躬自薄而厚責於人也則各相怨於一方受爵不

讓專利而有之也至於已斯亡怨之所歸禍之所集故也

○老馬反為駒

叶去聲

不顧其後

叶下反

如食

音嗣

宜餽

於據反

如酌孔取

叶音娶



集傳比也。餽飽孔甚也。○言其但知讒害人以取爵

位而不知其不勝任如老馬憊

蒲拜反

矣而反自以為

駒不顧其後將有不勝任之患也。又如食之已多而

宜飽矣酌之所取亦已甚矣

朱氏公遷曰此章比喻凡三節所以終受爵不

讓之意

集說

蘇氏轍曰老馬不自謂老而任駒之任後將不勝而不顧譬如小人而任賢者之事不畏其後

之不克也○王氏質曰食量所餽酌量所取則不傷不量飢飽而食不忖多寡而酌亦不顧其後也言有

後患也。○許氏天贈曰上喻小人不量力下喻小人不知足

○毋教猱升木如塗塗附君子有微猷小人與屬

音蜀叶殊

反遇

集傳比也猱獼猴也性善升木

毛氏萇曰猱獼猴屬○邢氏曷曰善攀援樹

枝不待教而能也塗泥附著微美猷道屬附也○言

小人骨肉之恩本薄王又好讒佞以來之是猶教猱升木又如於泥塗之上加以泥塗附之也苟王有美道則小人將反為善以附之不至於如此矣

集說

劉氏彞曰小人之為不善皆為所自能今又以倡之是教猱升木也小人樂於不善而又益之

以不善之教是以塗塗附其堅且相著不可脫矣非  
所以為上之道也故陳為上之道曰君子有徽猷小  
人與屬也先王有至德要道民用和睦正其五品為  
之孝友是之為徽猷○呂氏祖謙曰親親長長之道  
乃民之良心非由外鑠也  
宜其與屬而不敢解也

○雨

于付反

雪漙漙

符驕反

見覲

乃見反

曰

音越韓詩劉向作聿下章放此

消

莫肯下

遐稼反

遺式居婁

力佳反荀子作屢

驕

集傳比也漙漙盛貌覲日氣也張子曰讒言遇明者

當自止

劉氏瑾曰盛雪見日氣則自消正如此也

而王甘信之不肯貶下

而遺棄之更益以長慢也

集說

姚氏舜牧曰讒佞之人貶之則少退引之則日長必宜下遺之為是莫肯下遺則必自處於教

情矣○顧氏起元曰此章喻明能消讒而王反長之式居婁驕言王信讒使小人以驕慢自處者不一也

○雨雪浮浮見見曰流如蠻如髦

叶莫侯反

我是用憂

集傳比也浮浮猶漣漣也流流而去也蠻南蠻也髦

夷髦也書作髦

孔氏穎達曰爾雅八蠻在南故為南蠻髦西夷之別名牧誓曰及庸蜀羌

髦微盧彭濮人

言其無禮義而相殘賊也

集說

顧氏起元曰讒言殘害滅棄禮法我是用憂憂世變之趨也

總論

歐陽氏修曰一章言雖骨肉之親若遇之失其道則亦怨叛而乖離如角弓翩然而外反矣二

章言下民亦將效上之所為也三章四章遂言效上之事五章六章則刺王所以不親九族者由好讒佞也七章八章又述骨肉相怨之言

## 角弓八章章四句

集說

劉氏瑾曰中庸之九經必以親親為先而其道則唯在於尊其位重其祿同其好惡

此先王所以有常棣伐木類并行葦諸詩之深仁厚澤也今若此詩所刺則喪其治國平天下之本矣詩人所以於卒章深致其憂也

有苑

音鬱

者柳不尚息焉上帝甚蹈

戰國策作上天甚神

無自暱焉

俾予靖之後予極焉

集傳比也柳茂木也尚庶幾也上帝指王也蹈當作  
神言威靈可畏也暱近靖安也極求之盡也○王者  
暴虐諸侯不朝而作此詩言彼有莢然茂盛之柳行  
路之人豈不庶幾欲就止息乎以比人誰不欲朝事  
王者而王甚威神使人畏之而不敢近耳使我朝而  
事之以靖王室後必將極其所欲以求於我蓋諸侯  
皆不朝而已獨至則王必責之無已如齊威王朝周  
而後反為所辱也或曰興也下章放此

集說

輔氏廣曰視其君如上帝本知所尊也然王甚威神畏之而不敢近使我朝王則王室其可定

乎然其後必求我而無己將反有所不堪者焉則又不可不慮此其所以不肯來朝也然亦豈得已哉

○有苑者柳不尚惕

欺例反

馬上帝甚蹈

見

無自療

側界反叶

子例反

馬

戰國策作也

俾子靖之後予邁

叶力反

馬

集傳比也惕息療病也邁過也求之過其分也

集說

李氏樗曰無自療焉言苟朝王適所以自病也○顧氏起元曰過分者取之於常法之外而物

有所難繼困之以不堪之事而責有所難塞所以無自療者不忍其予邁也

○有鳥高飛亦傳

音附

于天

叶鐵反

彼人之心于何其臻曷

予靖之居以凶矜

集傳興也傳臻皆至也彼人斥王也居猶徒然也凶矜遭凶禍而可憐也○鳥之高飛極至于天耳彼王之心于何所極乎言其貪縱無極求責無已人不知其所至也如此則豈予能靖之乎乃徒然自取凶矜耳

集說

朱氏公遷曰鳥飛有所止王心無所極以意相反而為興也○唐氏汝諤曰凶矜即上予極予

邁之意蓋貪縱無極則難弭責望無已則難塞加禍所不免矣



總論

朱氏公遷曰始則慮其極欲以求於我繼則慮其過分以求於我終則慮其貪欲無厭而加禍

也於我

苑柳三章章六句

集說

姚氏舜牧曰朝覲會同禮也嘗聞一朝則貶其爵二不朝則削其地三不朝則六

師移之未聞來朝而反極其欲以求之且求之過其分如苑柳之所刺者春秋書天王求車亦此詩之指也

桑扈之什十篇四十三章二百八十二句

欽定詩經傳說彙纂卷十五

欽定四庫全書薈要卷一千六十六

經部

欽定詩經傳說彙纂卷十六

都人士之什二之八

彼都人士狐裘黃黃其容不改出言有章行歸于周萬

民所望

叶音亡

集傳賦也都王都也

鄭氏康成曰城郭之域曰都○孔氏穎達曰舉都邑者以都邑

之人近政化有道先被其德也

黃黃狐裘色也

鄭氏康成曰冬則衣狐裘黃黃然取溫裕

而不改有常也章文章也周鎬京也○亂離之後人

不復見昔日都邑之盛人物儀容之美而作此詩以  
歎惜之也

集說

范氏處義曰此章言都人之為士者服先王之

法服道先生之法言其服與言既相稱故萬民  
皆望其容服不生慢易而為法也○輔氏廣曰容則  
德之符也言則德之發也容言如是則其德可知

○彼都人士臺笠緇撮

七活反叶

彼君子女綢

直留反直

如髮

叶方反

我不見兮我心不說

音悅

集傳賦也臺夫

音扶

須也

許氏謙曰臺見南山有臺傳

緇撮緇布冠

也其制小僅可撮其髻也君子女都人貴家之女也

綢直如髮未詳其義然以四章五章推之亦言其髮

之美耳

陸氏德明曰綢密也○朱氏公遷曰綢直言其多而不曲局也或云如字當作其字

集說

嚴氏粲曰言都人之男子以臺草為笠以縑布為冠撮持其髮見儉素也彼君子家之女其為

髻密而直如其本髮亦儉素也密是其髮生之密直亦髮之本性緊梳則順其髮性之直故曰密直如髮疾時奢淫故我不見如此之風俗心思之而憂也

○彼都人士充耳琇瑋實彼君子女謂之尹吉我不見

兮我心苑

於粉結叶繳反質反

集傳賦也琇美石也以美石為瑱

蘇氏轍曰充耳瑱也實塞也

尹

吉未詳鄭氏曰吉讀為姑

其吉反

尹氏姑氏周之昏姻

舊姓也人見都人之女咸謂尹氏姑氏之女言其有

禮法也

孔氏穎達曰常武曰王謂尹氏昭二十三年尹氏立王子朝是其世為公卿明與周室為

昏姻也

韓奕云為韓姑相攸言汾王之甥是姑與周室為昏姻也既世貴舊姓昏連於王室家風不替是

有禮法矣

李氏曰所謂尹吉猶晉言王謝唐言崔盧也

劉氏

瑾曰晉之江左王謝唐之山東崔盧皆一時之望族為世所稱也

苑猶屈也積也

何氏

楷曰風俗通云苑蘊也言薪蒸所蘊結故有積義

集說

姚氏舜牧曰尹吉周之著姓大家九國俗之趨向大抵都效大家之所為故詩人特稱之○徐

氏常吉曰充耳琇實言士有  
禮服謂之尹吉言女有禮法

○彼都人士垂帶而厲

叶落蓋反

彼君子女卷

音權

髮如蠆

初邁

反  
我不見兮言從之邁

集傳賦也厲垂帶之貌

孔氏穎達曰禮大帶垂三尺○大帶之垂者名之為紳而

復名為厲者紳是帶之名厲是垂之貌也

卷髮鬢傷短髮不可斂者曲上

卷然以為飾也蠆螫

音釋

蟲也尾末捷

音虔

然似髮之曲

上者

陸氏德明曰長尾為蠆短尾為蠆捷舉也

邁行也蓋曰是不可得見

也得見則我從之邁矣思之甚也

集說

孔氏頴達曰彼都人士垂其帶之飾而有厲然言其服飾有常也彼君子女乃卷曲其髮末如

蠶之尾言其容儀有法也我今不見士女如是儀飾是故中心思之欲從之行也○徐氏光啓曰言從之邁與行歸二句同意俱是設言得見之喜以甚其不得見之思耳

○匪伊垂之帶則有餘匪伊卷之髮則有旃我不見兮

云何盱

喜俱反

矣

集傳賦也旃揚也盱望也說見何人斯篇○此言士之帶非故垂之也帶自有餘耳女之髮非故卷之也髮自有旃耳言其自然閑美不假修飾也然不可得



而見矣則如何而不望之乎

集說

輔氏廣曰後二章但言其帶與髮者以見此猶不可得而見況於言與德乎○徐氏光啓曰服

飾氣象固欲其盛美而有意文飾亦非盛世之象惟自然閑美不假修飾則無舒肆治容之態而民生之咸獲自盡槩可知矣

總論

鄧氏元錫曰都人士慕舊都化也化自上始服其服文以君子之容有其容文以君子之辭有

其辭實以君子之德民望而歸之非化成俗美孰能與於此今邈不可見矣慕之至也

### 都人士五章章六句

集說

孔氏穎達曰經言萬民所望明都人為人所法倣也襄十四年左傳引此二句服虔

曰逸詩也都人士首章有之禮記注亦言毛氏有之三家則亡今韓詩實無此首章時三家列於學官毛詩不得立故服以為逸

終朝采綠不盈一掬

弓六反

予髮曲局薄言歸沐

集傳賦也自旦及食時為終朝綠王芻也

郭氏璞曰菜蓐也今

呼鴟腳莎○董氏迫曰楚辭曰薺菜施以盈室王逸云終朝采菜今攷鄭氏說以為王芻則當逸時字為

菜

兩手曰掬局卷

音權

也猶言首如飛蓬也○婦人思

其君子而言終朝采綠而不盈一掬者思念之深不專於事也又念其髮之曲局於是舍之而歸沐以待

其君子之還也

集說

蘇氏轍曰王芻易得之菜終朝采之而不盈匊意不在所采也婦人夫不在無容飾故曰子髮

曲局矣庶幾君子之歸而沐之也

○終朝采藍

盧諤反

不盈一襜

尺占反

五日為期六日

不詹

音占叶都甘反

集傳賦也藍染草也

孔氏穎達曰藍可以染青故淮南子云青出於藍月令仲夏無

刈藍是可染之草

衣蔽前謂之襜即蔽膝也詹與瞻同五日

為期去時之約也六日不詹過期而不見也

李氏樗曰所謂

期逝不  
至也

集說

李氏公凱曰君子久役婦人獨處往采藍草易

思而不專於事也因慨歎曰昔君子之去也約五  
日為歸期今六日而猶不見焉如之何而勿思

○之子于狩

尺救反

言韞

勅亮反

其弓

叶姑弘反

之子于釣言綸

之繩

集傳賦也之子謂其君子也理絲曰綸○言君子若  
歸而欲往狩耶我則為之韞其弓欲往釣耶我則為  
之綸其繩望之切思之深欲無往而不與之俱也

集說

呂氏祖謙曰丘氏曰是子往獵我則為之納弓

思其如此而不可得也○何氏楷曰此下二章皆預擬之詞

○其釣維何維魴

音房及鱣

音叙叶音滑

維魴及鱣薄言觀者

與叶掌反

集傳賦也於其釣而有獲也又將從而觀之亦上章

之意也

鄒氏泉曰上兼言狩此偏言釣者因上章釣之文在下接言之蓋亦舉此以該彼也

集說

董氏迪曰維魴及鱣薄言觀者言其得魚之多使觀者樂也○姚氏舜牧曰韋弓綸繩非婦人

事而況觀其所為釣者乎此蓋甚言思之至極耳若曰如其至也我願為之役與之周旋不舍也

總論

沈氏守正曰通詩總是思念之情末二章則思中之摹擬也方采綠而忽思髮之曲局而歸沐

之情景可想五日六日亦是大約言之耳末二章總是無往而不與之俱意中事詩中景也

### 采綠四章章四句

集說

郝氏敬曰人情者聖王之田男女居室人之大欲古者用民之力歲不過三日新昏

三月不從政恤其私也今使其室家睽離匹婦銜怨故望人錄是詩以明王道本乎人情爾

芄芄

蒲東反

黍苗陰雨膏

古報反

之悠悠南行召伯勞

力報反

之

集傳興也芄芄長大貌悠悠遠行之意○宣王封申

伯於謝命召穆公往營城邑故將徒役南行而行者

作此言芄芄黍苗則惟陰雨能膏之悠悠南行則惟

召伯能勞之也

蘇氏轍曰宣王國申伯於謝使召伯往營之召公之勞行者猶陰雨之膏

黍苗也○何氏楷曰勞之謂慰其勞苦恤其飢渴拊循勸勉如天澤沃然其勞也蓋膏也

集說

孔氏穎達曰言芄芄長大者是黍苗也此黍苗所以得長大者天以陰雨之澤膏潤之故也以

興宣王之時衆人所以得悅樂者由王以恩惠之澤養育之故也其時之人在國則蒙君之恩澤其行又得臣之勞來故言悠悠衆多而南行者是營謝邑之人召伯則又能勞來勸悅以先之言知人之勞苦也

○我任我輦

音

力展反

我車我牛

叶魚反

我行既集蓋云歸

哉

叶將反

集傳賦也任負任者也

孔氏穎達曰謂輦人輓音車

也

周禮鄉師注輦人輓也行所以載任器也

牛所以駕大車也集成也營

謝之役既成而歸也

呂氏祖謙曰邱氏曰蓋云歸哉謂解之使說也○何氏楷曰蓋

者未定之辭功既就庶可言歸哉

集說

王氏安石曰召伯之遇役夫如此○嚴氏粲曰二章言營謝之役蓋任輦車牛是工役之事也

召穆公之營謝也知役夫之勞故皆呼而諭之曰俟我南行營謝之功已成蓋云歸哉示以歸期安其心也○姚氏舜牧曰細玩我任我輦二章數我字似召伯之所以勞之者此民之樂為役也



○我徒我御我師我旅我行既集蓋云歸處

集傳賦也徒步行者御乘車者五百人為旅五旅為

師春秋傳曰君行師從卿行旅從

孔氏穎達曰旅屬於師徒行御車還

是師旅之人而經別之者以其所司各異故亦歷言以類上章也○范氏處義曰召伯天子之卿視君故言師旅也

集說

王氏安石曰召伯之遇征夫如此○朱氏道行曰行役者無不告勞亦無不亟言還歸今獨曰

我行既集便有欣然先竣役而不敢以家念參者召伯之激勸神也

○肅肅謝功召伯營之烈烈征師召伯成之

集傳賦也肅肅嚴正之貌謝邑名申伯所封國也今

在鄧州信陽軍

皇興表鄧州今南陽府鄧州信陽軍今汝寧府信陽州隸河南功工

役之事也營治也烈烈威武貌征行也

集說

鄭氏康成曰美召伯治謝邑則使之嚴正將師旅行則有威武也○姚氏舜牧曰征師役衆也

人衆而役大非威信以號召鼓舞有不能作其勇烈者故曰召伯成之○薛氏志學曰肅肅以規模形勢言營之謂區畫董治之也烈烈以趨事赴功言成之謂鼓舞激勸之也

○原隰既平泉流既清召伯有成王心則寧

集傳賦也土治曰平水治曰清○言召伯營謝邑相

其原隰之宜通其水泉之利

王氏安石曰原隰既平則疆其土田故也泉流

既清則理其溝洫故也○張氏榜曰建此功既成宣侯開國民事為重故又以土田言之

此功既成宣

王之心則安也

朱氏公遷曰當時宣王以徹申伯土田為命故云然

集說

呂氏祖謙曰天子子萬姓者也大臣慮四方者也方伯分一面者也申伯之體勢不重則無以

鎮定南服召穆公身為卿士豈得辭其憂責哉宣王雖深居九重宵旰之慮固未嘗一日忘之也必待召公告厥成功而王心始寧焉此真知職分者也○輔氏廣曰此章又重言營謝之功水土悉得其平治者皆召伯成之而天子之心亦得以自安也召伯之出為營謝耳然謝功既成而上則有以安夫天子報功之心下則有以成夫師旅威武之勢則其經畫之方保綏之德非有大過人者能如是乎

總論

許氏謙曰上公則下悅蓋申伯誠有功於天下而封之故民雖勞無怨而且樂道其事也其末

章既喜謝邑之平治頌召伯之成功而歸重於王心之寧忘己之勞以奉其上惟欲得王心之安耳此見忠實之情太平之氣象也○鄒氏泉曰首章言召公能勞其役也二章三章言行役者感激勸勉必謝功既成而後歸也四章歸功於召公末章則美其成功之大也

黍苗五章章四句

集傳此宣王時詩與大雅崧高相表裏

姚氏舜牧曰崧

高云維申及甫維周之翰四國于蕃四方于宣又云申伯之德柔惠且直揀此萬邦聞于四國則申伯之功德可見矣此王命召伯營申伯之宅民爭勸而樂成之也

集說

此何氏楷曰謝為荆徐要衝之地封申伯於此則足以鎮撫南國宣王之心則安也觀

崧高之詩一則曰南土是保再則曰戎有良翰則王心之所以寧可知不獨謂其足以篤厚元

舅克副親親賢

賢之念已也

隰桑有阿其葉有難

乃多反

既見君子其樂

音洛下同

如何

集傳興也隰下溼之處宜桑者也

孔氏穎達曰下溼曰隰桑宜在溼潤

之所隰之近畔宜桑以今驗之實然也

阿美貌難盛貌皆言枝葉條垂

之狀○此喜見君子之詩言隰桑有阿則其葉有難

矣既見君子則其樂如何哉詞意大槩與菁莪相類

然所謂君子則不知其何所指矣或曰比也下章放

此

劉氏瑾曰所謂比者蓋以隰桑枝葉顏色之美比君子容貌威儀之盛亦與菁莪比意相類

集說

呂氏祖謙曰是詩三以隰桑為興皆形容樂見賢者之精神情意也

○隰桑有阿其葉有沃

烏酷反叶

既見君子云何不樂

集傳興也沃光澤貌

劉氏彞曰沃謂長茂光澤如膏之沃也

集說

鄒氏泉曰其樂如何欲自言而非言語所能形容容也云何不樂欲自止而非在我所能遏抑也

○隰桑有阿其葉有幽

交叶反

既見君子德音孔膠

交音

集傳興也幽黑色也

孔氏穎達曰難為葉之茂沃言葉之柔幽是葉之色言桑葉茂

盛而柔軟則其色純黑  
故三章各言其一也

膠固也

集說

輔氏廣曰德音孔膠謂君子之德音足以感人使

見其可樂之實下章之誠愛亦本於此耳

○心乎愛

叶許既反

矣遐不謂矣中心藏之何日忘之

集傳賦也遐與何同表記作瑕鄭氏注曰瑕之言胡

也謂猶告也○言我中心誠愛君子而既見之則何

不遂以告之而但中心藏之

董氏道曰中心藏之結於心也

將使何

日而忘之耶

呂氏祖謙曰邱氏曰詩人自道其愛賢之意

楚辭所謂思公

子兮未敢言意蓋如此愛之根於中者深故發之遲而存之久也

集說

輔氏廣曰上章既言德音孔膠故此遂言誠愛之意惟其德音之感人者膠固而不忘故其誠

愛之深發之遲存之久而至於如此也○姚氏舜牧曰愛出於根心即從而謂之亦不能盡但藏之中心

有不能終忘者耳中心藏正與心乎愛相應

總論

黃氏佐曰此詩首三章是屢興其見之喜末一章是極道其愛之誠

隰桑四章章四句

白華

音管

分白茅束兮之子之遠俾我獨兮



集傳比也白華野菅也已漚為菅

陸氏璣曰菅似茅而滑澤無毛根下

五寸中有白粉者柔韌宜為索漚乃尤善矣○陸氏  
佃曰未霑人功故謂之野菅菅茅屬也而其華白故

曰白

華之子斥幽王也俾使也我申后自我也○幽王

娶申女以為后又得褒姒而黜申后故申后作此詩  
言白華為菅則白茅為束二物至微猶必相須為用  
何之子之遠而俾我獨耶

集說

朱子曰讀詩之法且如此章蓋言白華與茅尚  
能相依而我與子乃相去之遠何哉○朱氏公

遷曰宜相得而反  
相遺可怨者也

附錄

蘇氏轍曰取白華而漚之又束以白茅馬言表裏無不潔也今申后之修如此幽王遠之而近

寢似使獨居焉何哉

○英英白雲露彼菅茅

叶莫侯反

天步艱難之子不猶

集傳比也英英輕明之貌白雲水土輕清之氣當夜

而上騰者也露即其散而下降者也

季氏本曰天無雲則有露有雲

則無露白雲水土輕清之氣未為層雲也而英英如花朶然則尤輕而不蔽明矣故其氣薄而易散是不

露而猶露也

步行也天步猶言時運也猶圖也或曰猶如

也○言雲之澤物無微不被今時運艱難而之子不

圖不如白雲之露菅茅也

集說

嚴氏桀曰言王之思澤當均及之如白雲之覆露菅茅皆蒙潤澤也今天運艱難而幽王不如

是也歸之天運謂已所遭之不幸耳

○漈

符彪反

池北流浸彼稻田

叶地因反

嘯歌傷懷念彼碩人

集傳北也漈流貌北流豐鎬之間水多北流碩人尊

大之稱亦謂幽王也○言小水微流尚能浸灌王之

尊大而反不能通其寵澤所以我嘯歌傷懷而念

之也

集說

鄭氏康成曰池水之澤浸潤稻田使

附錄

王氏應麟曰水經注鄠水又北流西北注與

漢建三年造便橋跨渭斯滌池之別名西北合渭

○樵

祖焦反

彼桑薪印

五綱反

烘

火東反

于堪

市林反

維彼碩人

實勞我心

集傳比也樵采也桑薪薪之善者也印我烘燎也堪

無釜之竈可燎而不可烹飪者也

郭氏璞曰今之三隅竈也○孔氏頴

達曰無釜之竈其上燃火謂之烘本  
為此竈止以燃火照物若今火爐也  
○桑新宜以烹

飪而但為燎燭以比嫡后之尊而反見卑賤也

集說

程子曰樵彼桑薪不用而我烘于堪竈興王之  
捨嫡后之尊而專寵於嬖人也維王之所為如

此所以勞  
傷我心也

○鼓鐘于宮聲聞

音問

于外念子懔懔

七到反

視我邁邁

集傳比也懔懔憂貌邁邁不顧也

何氏措曰懔說文云愁不安也陸德

明云愁不申也非一念之而已故曰懔懔邁邁說文云遠行也王之視我望望然不顧若邁而又邁然者遠

之之甚也○鼓鐘于宮則聲聞于外矣念子懔懔而反視

# 我邁邁何哉

集說

程子曰此章自傷其誠意之不能動王也鼓鐘于宮而聲聞于外今我中心念子而曾不感動

視我邁邁而去邁邁去遠不顧之意○季氏本曰宮者深密之地言鼓鐘于深宮必聲聞于外以比中有實德則王必知之而有感動也此蓋反躬自責之辭

○有鶩

秋音

在梁有鶴在林維彼碩人實勞我心

集傳比也鶩禿鶩也

陸氏佃曰鶩性貪惡一名扶老狀如鶴而大長頸赤目其毛辟

水毒頭高八九尺

善與人鬪好啗蛇

梁魚梁也○蘇氏曰鶩鶴皆以魚

為食然鶴之於鶩清濁則有間矣今鶩在梁而鶴在

林鷺則飽而鶴則飢矣幽王進褒姒而黜申后譬之  
養鷺而棄鶴也

集說歐陽氏修曰有鷺在梁有鶴在林言二物皆非其所處如妾不宜居正位而妻不宜被遠棄也

○鴛鴦在梁戢其左翼之子無良二三其德

集傳比也戢其左翼言不失其常也

劉氏瑾曰戢其左翼以相依於

內舒其右翼以防患於外良善也二三其德則鴛鴦

之不如矣

集說王氏安石曰鴛鴦能好其匹雄雌相從不失其性也○謝氏枋得曰衛詩云士也罔極二三其

德亦刺夫婦之相棄背也與此意合

○有扁

步典反

斯石履之卑兮之子之遠俾我底

叶都禮反

反兮

集傳比也扁卑貌俾使底病也○有扁然而卑之石則履之者亦卑矣如妾之賤則寵之者亦賤矣是以之子之遠而俾我底也

集說

季氏本曰人履扁石而卑以比寵妾而賤自賤如此豈碩人所宜哉故我以遠我為病非為我

之失愛也正以王自失其所以為尊耳



總論

程子曰詩大意刺王專寵失上下之分○劉氏曰此詩章多而句少八章皆為比體一章以

一事為喻反覆諷詠以泄其情而猶不能絕念於王可謂怨而不怒者矣

## 白華八章章四句

集說

李氏樗曰此詩大抵與綠衣相類綠衣之詩專以綠衣取譬此詩則泛取譬喻體雖

不同而發明嫡妾之分則一也

鶉蠻黃鳥止于丘阿道之云遠我勞如何飲

於鵲反

之食

音嗣

之教之誨之命彼後車謂之載之

集傳比也鶉蠻鳥聲

何氏楷曰以其聲之微細相連不絕如鶉而鳥語不可與人解

又似蠻也阿曲阿也

孔氏穎達曰卷阿云有卷者阿知丘阿是邱之曲中也

後車副

車也○此微賤勞苦而思有所託者為鳥言以自比也蓋曰繇蠻之黃鳥自言止于丘阿而不能前蓋道遠而勞甚矣當是時也有能飲之食之教之誨之又命後車以載之者乎

集說

鄒氏泉曰飲之食之欲其周恤乎已也教之誨之欲其指示乎已也後車載之欲其振拔乎已也

○唐氏汝諤曰止于丘阿非得所止之意乃倦飛而止不得已而然也道遠非一蹴能到而勞苦不勝非不欲前實不能前耳故下遂致冀望之語

○縣蠻黃鳥止于丘隅豈敢憚行畏不能趨飲之食之  
教之誨之命彼後車謂之載之

集傳比也隅角

朱子曰丘隅  
岑蔚之處

憚畏也趨疾行也

集說

郝氏敬曰以微賤之分豈敢憚行但畏力  
疲不能趨庶幾貴顯者一假援之而已

○縣蠻黃鳥止于丘側豈敢憚行畏不能極飲之食之  
教之誨之命彼後車謂之載之

集傳比也側傍極至也國語云齊朝駕則夕極於魯

國

集說

張氏彩曰行百里者半九十言末路之難也故曰畏不能極

總論

輔氏廣曰微賤之臣奔走行役道遠而勞甚至為鳥言以自比而求所託焉固仁人君子所宜

動心者也○郝氏敬曰詩不敢直愬而自託於鳥不敢辭勞而但告哀於人黃鳥睂睂應節趨時人所喜悅故以為比志苦而辭卑乃所以為溫柔敦厚之意也○章氏甫曰周之盛世大司徒以為保息六養萬民三曰振窮四曰恤貧五曰寬疾豈有如縣蠻詩人所思者乎可以觀世變矣

縣蠻三章章八句

集說

徐氏光啓曰此詩比體與碩鼠采苓一例其初記言於鳥下只直言已志而已

幡幡

孚煩反

芣苢采之亨

叶鋪郎反

之君子有酒酌言嘗之

集傳賦也幡幡瓠葉貌

羅氏願曰瓠其葉可為菜

○此亦燕飲之

詩言幡幡瓠葉采之亨之至薄也然君子有酒則亦以是酌而嘗之蓋述主人之謙詞言物雖薄而必與賓客共之也

集說

孔氏穎達曰幡幡然者是瓠之葉也米取之又亨煮之釀以為飲酒之菹也言古者不以微薄

而廢禮○王氏安石曰嘗其旨否然後行獻酬之禮

○有兔

它故反

斯首炮

白交反

之燔

音煩叶汾乾反

之君子有酒酌

言獻

叶虛言反之

集傳賦也有兔斯首一兔也猶數魚以尾也毛曰炮  
加火曰燔亦薄物也獻獻之於賓也

集說

鄭氏康成曰炮之燔之者將以為飲酒之羞也飲酒之禮既奏酒於賓乃薦羞

○有兔斯首燔之炙

音隻叶涉略反

之君子有酒酌言酢

才洛反

之

集傳賦也炕

音抗

火曰炙謂以物貫之而舉於火上以

炙之酢報也賓既卒爵而酌主人也

集說

鄭氏康成曰凡治兔之宜鮮者毛炮之柔者炙之乾者燔之

○有兔斯首燔之炮

叶蒲侯反

之君子有酒酌言酌

市周反

之

集傳賦也酌導飲也

集說

胡氏一桂曰主人既飲酢爵欲以酌賓又酌而先自飲以導之然後復酌而進於賓故謂之酌

○張氏彩曰一物而三舉之者以禮有獻酢酌故也酒三行而殺惟一兔首益以見其約矣

總論

杜氏預曰古人不以微薄廢禮雖瓠葉兔首猶與賓客享之○姚氏舜牧曰瓠葉之采亨兔首

之燔炙可謂薄矣而情由此達禮由此行君子不以為簡傳曰苟有明信澗溪沼沚之毛可羞於王公此也謂

瓠葉四章章四句

集說

徐氏常吉曰豐以燕賓者魚麋是也易鼎之象傳曰大亨以養聖賢薄以燕賓者瓠

葉是也易損之象曰二簋可用享知易之意則知詩之意矣

漸漸

竝士銜反下同

之石維其高矣山川悠遠維其勞矣武人

東征不遑朝

叶直高反矣

集傳賦也漸漸高峻之貌武人將帥也遑暇也言無

朝旦之暇也○將帥出征經歷險遠不堪勞苦而作

此詩也

集說

歐陽氏修曰漸漸高石與悠遠之山川皆叙其所歷險阻之勞○劉氏彞曰漸漸之石維其高



矣者謂所歷之路高峻峭拔非攀援則不可以登也  
山川悠遠維其勞矣者山窮者川斷之川盡者山間  
之重重相間遠不  
可極不曰悠遠乎

○漸漸之石維其卒

在律反

矣山川悠遠曷其沒

叶莫筆反

矣

武人東征不遑出矣

集傳賦也卒崔嵬也謂山巔之末也曷何沒盡也言  
所登歷何時而可盡也不遑出謂但知深入不暇謀  
出也

集說

黃氏佐曰不暇謀出則甚於無朝旦之暇矣

○有豕白蹄

音的

烝涉波矣月離于畢俾滂

普郎反

沱

徒何反

何

矣武人東征不遑他

湯何反

矣

集傳賦也蹢躅烝衆也離月所宿也畢星名

朱子曰畢是漉

魚底又網漉魚則其汁水淋漓而下若雨然畢星名義蓋取此今畢星上有一柄下開兩叉形亦類畢故

月宿之則雨

豕涉波月離畢將雨之驗也

陸氏佃曰犬喜雪馬喜風豕喜

雨故天將雨則豕涉水波也○胡氏一桂曰畢星好雨月水之精離畢而雨星象相感如此

○張

子曰豕之負塗曳泥其常性也今其足皆白衆與涉

波而去水患之多可知矣此言久役又逢大雨甚勞

苦而不暇及他事也

集說

孔氏穎達曰豕涉入水是在地為將雨之徵月更離歷于畢之陰星在天為將雨之候果致大

雨使其水滂沱而盛役人遇之尤以疲病不暇更有他事矣○歐陽氏修曰謂在險阻之中惟雨是憂不遑及他也履險遇雨征行所尤苦故以為言

總論

輔氏廣曰世之治也行者之勞未嘗自言而上之人則汲汲然以言其勞之可念世之亂也上

之人未嘗念其勞而言之而行者則自言其勞苦而不置焉夫使勞者自言而上之人不加恤焉烏在其為民之父母也○朱氏公遷曰一章則兵起在道而無休息之期二章則懸軍入險而無出險之計三章則以持戈執戟之勞有霑體塗足之苦是以智慮廢而憂患專也

漸漸之石三章章六句

苕

音條

之華

音花

芸

音云

其黃矣心之憂矣維其傷矣

集傳比也苕陵苕也本草云即今之紫葳蔓生附於喬木之上其華黃赤色亦名凌霄

鄭氏康成曰陵苕之華紫赤而繁

○詩人自以身逢周室之衰如苕附物而生雖榮不久故以為比而自言其心之憂傷也

集說

李氏公凱曰周室將衰如苕華之將落芸然而黃不能久矣是以我心憂愁而自傷所遇之如

此也

○苕之華其葉青青

子零反

知我如此不如無生

叶桑經反

集傳比也青青盛貌然亦何能久哉

集說

孔氏穎達曰上言將落則此已落矣又言其葉明唯葉在耳○季氏本曰言我本不意所遇之

世如此若知我如此則不如無生謂生則不忍見也

○牂

子桑反

羊墳

扶云反

首三星在留

音柳

人可以食鮮

息淺反

可以飽

叶補苟反

集傳賦也牂羊牝羊也墳大也羊瘠則首大也

鄭氏樵曰

牝羊首小今也羸瘠反首大而身小

留筍也留中無魚而水靜但見三

星之光而已○言饑饉之餘百物彫耗如此苟且得食足矣豈可望其飽哉

集說

朱子曰周家初興時周原膴膴荼如飴苦物亦甜及其衰也群羊墳首三星在罍人可以食

鮮可以飽直恁地蕭索○向氏揖曰言羊以見陸物言魚以見水物其去無羊魚麗之世遠矣

總論

鄒氏泉曰首二章言衰世難久存而深致其感末章言百物皆彫耗而不聊其生見其所以不

能久存也

苔之華三章章四句

集傳陳氏曰此詩其詞簡其情哀周室將亡不

可救矣詩人傷之而已

何草不黃何日不行

叶戶郎反

何人不將經營四方

集傳興也草衰則黃將亦行也○周室將亡征役不息行者苦之故作此詩言何草而不黃何日而不行何人而不將以經營於四方也哉

集說

李氏樗曰何日不行以見其一歲之中無日不行也何人不將以見其一國之中無人得免也

○朱氏公遷曰以草之憔悴興人之勞苦而語又相呼也

○何草不玄

叶胡反

何人不矜

古頑反韓詩作鰥叶居陵反

哀我征夫

獨為匪民

集傳興也玄赤黑色也既黃而玄也

王氏質曰草自黃而玄與蒼自

華黃而葉青同為時節之變

無妻曰矜言從役過時而不得歸失

其室家之樂也哀我征夫豈獨為非民哉

集說

李氏樗曰哀我征夫獨為匪民言以我征夫為非民乎蓋以民視之則仁愛之必不至於久役

也今既不以民視之故不復顧惜之也

○匪兕

徐履反

匪虎率彼曠野

叶上與反

哀我征夫朝夕不暇

五叶後反



集傳賦也率循曠空也○言征夫非兕非虎何為使之循曠野而朝夕不得閒暇也

集說

孔氏穎達曰野獸可常在外今非是兕非是虎何為久不得歸常循彼空野之中與兕虎無異

乎○王氏質曰言不以民待下也

○有芄

薄工反

者狐

與車叶

率彼幽草有棧

士板反

之車行彼

周道

集傳興也芄尾長貌棧車役車也周道大道也言不得休息也

集說

李氏公凱曰彼芃然之狐循於幽草之中則其宜也今我何為亦乘此有棧之車而行彼周道

之上乎

總論

顧氏起元曰此反覆傷已征役之不息也首章言役之重困二章言失其家室之樂三章傷其

自同於物四章傷其物之不如也

# 何草不黃四章章四句


集說

輔氏廣曰苕之華言國家之衰微時物之彫耗人民不聊其生天運窮矣何草不黃

言士民役使之繁數征行之勞苦上之人視之與禽獸無異人事極矣周室至是無可為矣此黍離之所以降為國風也○朱氏公遷曰自苑柳至此其詩多似風體雅降為風亦有其漸歟

都人士之什十篇四十三章二百句

欽定詩經傳說彙纂卷十六



覆校官編修臣張秉愚

校對官編修臣朱依魯

謄錄監生臣魏世高